



Danas završnica vježbe „Buna 2017“

Slovinci pomažu BiH u spašavanju ronilaca

Zbog nesreće u Vrelu Bune, najvećem u Evropi po količini vode, gdje je povrijeđen ronilac, BiH je putem Ministarstva sigurnosti uputila poziv za pomoć Državnoj upravi za zaštitu i spašavanje Republike Slovenije.

Slovenski tim predvodit će akciju speleoroničakog spašavanja zajedno s pripadnicima Interventne spasilacke službe (ISS) Mostar, Saveza gorskih službi spašavanja u BiH (GSS), timovima SIPA-e te Federalne i Kantonalne uprave civilne zaštite.

To je, nasreću, scenarij završnice vježbe „Buna 2017“ koja je otpočela u srijedu, 26. jula, a danas će na Vrelu Bune u Blagaju kod Mostara biti izvedena simulacija ronilačke nesreće. Naša ekipa je s timovima bila na terenu dok su se pripremali za današnju akciju.

- U ovoj vježbi, čiji je cilj usaglašavanje zajedničkih akcija spašavanja u slučajevima nesreće, učestvuje 70 ljudi. Često nam se, nažalost, događa da jedna država ne može odgovoriti na neki problem i zadatak pa je važno da unapređujemo sa-

radnju - kazao je predsjednik ISS-a Esad Humo.

Predsjednik GSS-a Zdenko Marić kazao je da je glavna poenta ove vježbe obučavanje i uvježbavanje kadrova. Vođa tima „Buna 2017“ Janez Melanšek iz Državne uprave za

zaštitu i spašavanje Slovenije podsjetio je na činjenicu da njegova država i BiH već više godina saraduju na osnovu bilateralnog dogovora na programima uspostavljanja vježbi i izvršavanja međunarodne pomoći. **M.Sm.**



Detalj s treninga:
Unapređivanje
saradnje (Foto: ISS)